



**Komunikado di prensa 2018-043**

## **Desaroyo den proseso restrukturashon ENNIA**

### **A posponé tratamentu den korte pa rekonosementu hurídiko di areglo di emergensia riba ENNIA na Merka**

WILLEMSTAD/PHILIPSBURG - Na final di luna pasá Banko Sentral di Korsou i Sint Maarten (CBCS) a informá komunidad, ku na nòmber di ENNIA Caribe Holding NV i algun di su empresanan subsidiario (ENNIA), a inisiá e proseso pa haña rekonosementu hurídiko na Merka di e areglo di emergensia ku ta na vigor riba ENNIA. Na e okashon ei a informá ku tratamentu di e kaso ta tuma lugá dia 23 di òktober 2018.

Ta asina ku for di luna pasá CBCS, na nòmber di ENNIA, ta hibando deliberashonnan intensivo ku partidonan di interes den e kaso aki, pa loke ta trata e prosedura pa yega na e rekonosementu hurídiko di e areglo di emergensia na Merka. Na interes di e deliberashonnan aki, partidonan di interes a pidi korte pa posponé e tratamentu di e kaso di rekonosementu hurídiko.

Korte merikano a bai di akuerdo ku e petishon aki i a posponé tratamentu di e kaso pa 31 di òktober 2018. Posponementu den kasonan asina, ta algu ku sa sosodé na mas okashon, asta por indiká ku tin e posibilidat ku por pidi korte na Merka pa posponé e kaso mas bia. Den kaso ku sosodé ku drenta otro petishon pa posponé e kaso, CBCS lo informá komunidad di e fecha nobo.

Pa preguntanan relashoná ku e aviso publiká, por mail na [cbcs@centralbank.cw](mailto:cbcs@centralbank.cw).

Willemstad, 23 di òktober 2018

CENTRALE BANK VAN CURAÇAO EN SINT MAARTEN